

Biblioteca Nacional Aruba ta ofrece ‘Bista riba mundo’; un workshop di 5 sesion

ORANJESTAD - Nos mundo cada dia ta bira mas chikito. Facilidatnan di comunicacion y transporte ta haci cu den un instante nos ta al tanto di loke ta pasa rond mundo, mientras nos mes por biaha mas leu cu nunca. Esaki ta haci cu nos ta bin cada dia mas den contacto cu personanan di otro cultura y pensamiento. P’esey ta bon pa informa nos mes riba e diferente maneranan di pensa pa asina conoce e forsan cu ta dirigi nos accion y esun di otro hende miho y tambe pa por respeta otro mas y evita conflicto.

E ciclo di cinco charla titula

“Worldviews” ta haci un recorrido di e maneranan mas comun cu hende tin pa percibi mundo y bida humano na un nivel personal. Lo considera diferente manera con nos universo y bida a origina; preguntanan y contestanan basico cu hende ta confronta diariamente cu nan; cua ta e diferente forma cu tin pa goberna un sociedad; con e produccion y distribucion di producto y servicio ta tuma luga; y con por reduci e grado di speculation tocante e naturalesa y fenomenonan social cu ta rondona nos.

Docente y guiado di comb-

ersacion ta sr. Herbert Diaz. Herbert a specialisa su mes riba diferente tereno, entre otro riba tereno di Maneho, Organizacion y Investigacion. Herbert Diaz ta traha independiente como consehero. Herbert Diaz tin experiencia amplio como investigado y entrenado.

Temanan principal di e workshop ta religion y/of ideologia, economia, politica y ciencia. Tin 5 encuentro riba dialuna cu excepcion di uno cu ta cay riba un diaranson. Fechanan ta 8, 15, 22, 29 april y e ultimo sesion dia 6 di mei 2013 di 6or y mey pa 8or



y mey na Biblioteca Nacional Aruba, George Madurostraat 13. Participacion ta habri pa

adulto. Pa registra por manda un e-mail pa g.jie-sam-foek@bibliotecanacional.aw. ☐